

民國史料叢刊

187

張研 孫燕京 主編

政治・政權機構

模範之廣州市

 大象出版社

K258.06

3

(187)

民國史料叢刊
187

張研 孫燕京 主編

政治・政權機構

模範之廣州市



大象出版社

圖書在版編目 (CIP) 數據

民國史料叢刊／張研 孫燕京 主編

—鄭州：大象出版社，2009.2

ISBN 978-7-5347-5439-5

I. 民… II. 張… III. 中國—近代史—史料—民國
IV. K258.06

中國版本圖書館CIP數據核字 (2009) 第022264號

民國史料叢刊
張研 孫燕京 主編
政治·政權機構

總策劃 耿相新

責任編輯 楊吉哲 王莉娜

封面設計 劉冬王

出版 大象出版社 (鄭州市經七路25號 郵政編碼 450002)

網址 www.daxiang.cn

發行 大象出版社總發行部 電話：0371-63863551

印刷 北京中獻拓方科技發展有限公司

版次 2009年8月第1版 2009年8月第1次印刷

開本 890×1240 1/32

印張 11.875

總定價 180000.00元

若發現印、裝質量問題，影響閱讀，請與承印廠聯系調換。

印廠地址 北京經濟技術開發區運成街甲6號

郵政編碼 100176 電話 (010) 67889166

李宗黃著

模範之廣州市

達設都市之
指南

蔣中正



文
明
之
路
自
治
之
花

胡漢民題



模範之廣州市

序言

北伐完成、全國統一、軍事收束、訓政開始。凡吾中國國民黨黨員、與中華民國之人民、均應萬衆一心、奔赴於建設之一途、以保障革命之所得、而實現三民主義。顧建設之事萬端、惟地方自治最爲先務、而地方自治之首要部份、卽爲創造都市之文明。因都市文明爲廿四紀之鮮花、其一事一物、一言一行、均足以影響全省區全中國。吾黨建設之能力、主義之實施、能否得民衆之信仰、能否奠國基於永固、亦將於此破題兒占之。廣州市創辦自成立以來、雖處憂危、震撼、變故迭乘、然仍突飛猛進、不稍疑沮。以故觀國之賓、航海而來、問政之士、越嶺紛集。其奮鬥之精神、與成績之卓越、大有廉頗立懦、模範全國之勢。

彼築路櫛櫛，固費移山心力，而瑜不掩瑕，亦勢理所難免。後進各省，將隨其舊路徑而往乎？抑闢一新路徑而行乎？舊路徑如哥倫布發現新大陸之行程，新路徑即由大西洋直達美洲之路綫，其灣曲遠近，實不可以道里計。故孫先生有『欲學歐美之長，應迎頭趕上去』之遺教，吾人則效廣州市，亦當遵此遺教，努力奉行。余之對於市政也，有十年之研究，兩年之經驗，數國之參考，多種之著作。而對於模範全國之廣州市，更有四五年之探討，百餘處之參觀。故發達之原因，與歷程之得失，不無略有所知。益以雲階市長之指導，與慧青先生之幫助，乃以科學方法，編纂是書，貢獻黨國。至殘缺固陋，在所難免，深願黨國先進、市政專家，與以充分之指導也。

中華民國十八年三月十五日

李宗黃伯英自序於首都建設委員會


總理遺像



總理遺囑

余致力國民革命凡四十年。其目的在求中國之自由平等。積四十年之經驗。深知欲達到此目的。必須喚起民眾。及聯合世界上以平等待我之民族。共同奮鬥。現在革命尚未成功。凡我同志。務須依照余所著建國方略。建國大綱。三民主義。及第一次全國代表大會宣言。繼續努力。以求貫徹。最近主張開國民會議及廢除不平等條約。尤須于最短期間促其實現。是所至囑。


史堅如先生造像



史堅如先生像題詞

民國紀元前十三年。滿人德壽撫粵。史烈士堅如。以猛烈爆藥。炸燬撫署。壞屋拔木。不可深計。獨德壽得免。烈士憤極。方圖再舉。即被陸路提督馬維驥之部下。下寶賢所賣。於九月十八日死之。年僅二十有二。綜我國革命暗殺之元祖。洵無出烈士右者。辛亥民國成立。胡前督爲之設專祠。前大總統孫公。亦送造像。吾人於崇拜瞻仰之餘。覺此締造共和之少年英雄。猶凜凜然有生氣也。


黃 花 崗 七 十 二 烈 士 紀 念 碑



七十二烈士紀念碑題詞

辛亥三月九日。黨人倡義廣州，橫屍喋血。潘君達微冒險收殮，得七十二具，叢葬於黃花崗。諸先烈精誠所感，不逾年南北統一，五族共和。計知名者五十三籍。隸川粵閩桂皖五省，粵占三十三。紀元後，迭經修葺，規模漸備。豐碑屹立，碧化黃花。中外人士來此膜拜者，絡繹不絕於途。現北伐完成，全國統一。軍事收束，訓政開始。以期實現諸烈士意想，中莊嚴燦爛之新中華民國。嗚呼，自由不死，正氣常存。先烈有知，或能瞑目也。

紅 花 岡
四 烈 士 墓




紅花岡題詞

四烈士墓，在東川馬路側。其次序由右而左。一爲林烈士冠慈，二爲溫烈士生才，三爲陳烈士敬岳，四爲鍾烈士明光，皆粵人。因革乎琦李準龍濟光等之命，前後殉國。墓前題曰：碧血千秋，紅花此日香。墓左有豐碑一，上書紅花岡四烈士墓道數字。對於四烈士歷史並未叙及。余多方採訪，擬作四烈士合傳，或撰一碑文，以補其缺，藉供後人憑弔觀感之資。惟林烈士冠慈事略，仍未得其詳。粵中多義士，必有聞風興起，發揚酒德者。

十一、五、廿、

程故總裁璧光銅像




程故總裁璧光銅像

珠江突起巨石，名曰海珠。銅像在焉。茲錄汪精衛先生撰詞如左。

故海軍上將程公璧光，治海軍四十年。於民國五年任海軍總長。持大節，尚廉信，屹然爲天下重。六年亂作，奉黎大總統命南下，遂從今總裁孫公率艦隊至廣州。倡護法，國命賴以不墜。七年二月二十六日，被刺於海珠軍次，天下痛惜。相與范金鑄像，垂哀思於無窮。


珠江夜月



珠江夜月題詞

珠江夜月，大通煙雨，白雲晚望，蒲澗廉泉，景泰僧歸，石門返照，金山古寺，波羅沐日，爲廣州最流行之八景。珠江夜月，爲八景之最著者。當月明之夜，登臨海珠小島，則見燭火如星，碧波似鏡，舳艫相接，畫舫蔽江，誠勝景也。


二 望 岡
滇 軍 陣 亡 將 士 墓 地



滇軍將士陣亡墓
地題詞

丙辰護國，滇軍分道來粵，與袁軍戰於南韶連。靖國軍興，南驅龍氏，北拒段軍。前後三役，陣亡將士八百九十五員，名功在國家，張方李朱諸將，釀金購地，合葬於二望岡之陽。經營至七年，始藏事。民十一，滇軍復奉命入粵討陳，歷次陣亡官兵，均附葬于此地。植有松柏數十株，祭田三十畝。迄今松竹蒼翠，碑亭翼然。此後六詔旌旗，滇中子弟將與百粵河山，共垂不朽也。

沙面風景之一
中國恥國恥



沙面風景題詞

鴉片肇釁，香港被割。千八百五十七年。居民羣起報復，英法聯軍，又陷廣州，闢沙面爲永遠居留地。以人工建築而成。並鑿小河，與珠江匯通。佈置整潔，風景清幽，遠望之，不啻蓬壺仙島。相形之下，不僅國恥增感已也。